

清帝宣統最近之西裝影





清宣統最晚之便裝

●清帝宣統出宮始末記

十帝君王九帝囚 還有一帝在幽洲 此二句是滿清入關時哲布尊丹巴所述之厲言 果也清朝僅至十帝而遜位 其所云九帝囚者 蓋即指光緒帝被囚瀛台之事也 今宣統帝雖出宮且未離京 蓋當永住幽洲也 民國八年三總統 勝清九代十君王 此二語是民八時之童謠 蓋勝清時雖有十帝君王 却是九代 蓋穆宗毅(同治)與德宗景(光緒)二帝平輩 祇好算是一代之故也

虎賁三千直入幽燕地 龍飛九五重開堯舜天 此二語是太平王掃北時聯語 有人說龍飛九五 九五不過十四年 後來果至十四年而去

民國六七載 遊龍出故宮 此二語是民國成立時之童謠 今也民國十三年(應六七載之語)清帝出宮 亦應前語也 看來皆非偶然 茲將清帝出宮時之情形詳述如下

自從民國成立 其已讓政遜位之清宣統皇帝 依當時約定 退出宮禁

移居於京西之頤和園 嗣因民國政府恐遠在京西 保護不周 不令遷移 以致延遲至今 在曹錕政府時 議員及閣員等 屢擬取消優待條件 以便從事於財政上之計畫 卒以國際大信所在 未能見諸實行 而民國十三年直奉大戰於山海關馮玉祥主張和平 遂於十月二十三日班師回京後 對於公府及皇室 特別從嚴監視 識者已知其抱有一種計畫 果也國民軍先於十一月四日上午十時將駐在清宮及景山內之守衛兵士 一律繳械 調駐北苑 聽候改編 至次日(十一月五日)上午九時 警衛司令部又派出一部分軍隊 至神武門一帶 先行諭令駐在神武門護城河營房之警察 將軍械子彈 於十二時許 完全繳出 由警衛司令部鹿司令 鍾麟 派員點收 警察總監張璧 偕同身著常服之李石曾 (李鴻藻之孫) 於午前十一時 進隆宗門 在板房內 與清室內務府大臣紹英朱益藩榮源寶熙耆齡等接洽 鹿張等携有內閣議決令 並所修正之優待條件五條 請清帝即日退出宮禁 限以三小時答覆

斯時隨從鹿張之兵士 則均槍實彈刀出鞘矣 經紹朱等人往返磋商 清帝知力不能敵 惟照約移居頤和園 又爲現勢之不可能 只得暫移北府 以圖善後 下午三時半 依照鹿張等之要求 交出皇帝玉璽兩顆 一黃匣 一紅匣 由鹿張帶領兵士捧出 清帝則于四時十分 偕后妃等 乘汽車赴醇王府 雖係倉卒成行 而態度甚爲從容 蓋此舉早在意中 初無所事其流戀 惟將善後各事交由紹朱榮寶等繼續辦理而已 當日一般市民 極爲驚惶謠言甚多 然我政府及軍警當局 則頗處之泰然 嗣經鹿司令張總監電知國務院 派員送到封條二百餘張 擬將清宮各處一律封存 皇室各大臣一再磋商始改於四五兩日內 在景山西街內務府籌備處 開雙方會議取決 是日晨間 神武門前 掛交插之民國國旗 與軍旗兩面 各處貼有通告多張 並通令各商家懸旂慶賀 關於慶賀亦有兩說 (甲)謂十三年來之帝制影子 一旦消滅 今後政治 必有澄清之望 以資紀念 (乙)謂歡迎皇帝溥儀爲中華民國